



María:

A Casiña – Arcos (San Breixo) – Cuntis, 1979-03

Informante: María (70)

Compiladora: Dorothé Schubarth

Transcrición: Dorothé Schubarth e Antón Santamarina

Edición da presente ficha: Sara Vilariño Rama

V 314 / VI 1932b

O paxaro da María
ándame nas miñas creixas.
Come paxariño, come,
verémolas que me deixas.

Se o río de Caldas
levara coñá.
máis de (?) catro pernas
virían acá.
Virían acá, virían acá,
se o río de Caldas
levara coñá.

V 315

Paxariño, gorrión -he
onde vas face-lo niño?
Ó carballo de Ramón -he,
no máis alto ramalliño.

V 311

O paxaro da renilla
a renilla do paxaro,
cando se pon na ventana
xa relumbra no faiado.

V 312

O carballo da Revolta
ten a folla revirada.
Que lla revirou o aire
nunha mañá de xiada.

Ai tróupele, tróupele...

IV 1 495

Baselisa, Baselisa
levas un lagharto pintado.
Cando Baselisa baila
o lagharto dalle ó rabo.

V 122

Esa que dixeches aghora,
toucha eu repenicando.
Esa que dixeches agora,
toucha eu repenicando.
Teño unha ghaliña choca,
no bico che vai caghando.



**Museo
do Pobo
Galego**



instituto de
estudos das
identidades

V 123a

Esa que dixeches aghora
inda cha eu repenico
Teño unha ghaliña choca
Que che ha de caghar no bico.